

SAMSTARFSSAMNINGUR

Hafnarfjarðarbær kt. 590169-7579 (HF) og Íþróttabandalag Hafnarfjarðar kt. 670169-0229 (ÍBH) gera með sér eftirfarandi rammasamning um uppbyggingu, rekstur, leigu, viðhald og afnot af íþróttamannvirkjum í Hafnarfirði ásamt þjónustu- og rekstrarsamningum sem hafa það að markmiði að efla íþróttastarf íþróttafélaganna með sérstakri áherslu á yngri iökendur.

1. gr.

Bæjarstjórn Hafnarfjarðar mun vinna að því að í fjárhagsáætlun hvers árs verði sérstök fjárveiting til eftirfarandi málaflokka til fullnustu samninga HF við ÍBH og aðildarfélög ÍBH:

1. Rekstrarsamningar ÍBH og aðildarfélaga við HF, vegna rekstrar íþróttamannvirkja. HF. HF hefur heimild samkvæmt lögum um tekjustofna sveitarfélaga 4/1995 og Reglum um styrki vegna fasteignaskatts félagasamtaka sem samþykkt var í bæjarstjórn 5. desember 2012 að veita styrk til greiðslu lóðarleigu og fasteignaskatti á þeim mannvirkjum sem eru í rekstri aðildarfélaga ÍBH. Þau félög sem ekki hafa fengið styrkinn í upphafi niðurfellingar þessara gjalda þurfa að sækja um slíkt á Mínúm síðum, umsóknin gildir síðan áfram.
2. Þjónustusamningar ÍBH og aðildarfélaga ÍBH vegna skrifstofuhalds, starfs vegna yngri iökenda og gæðaviðmiða.
3. Nýbygginga íþróttamannvirkja á vegum aðildarfélaga ÍBH í samræmi við forgangsröðun þings ÍBH. Samningur um nýframkvæmd skal samþykktur af bæjarstjórn Hafnarfjarðar.
4. Stærri viðhaldsframkvæmda íþróttamannvirkja í rekstri íþróttafélaga og endurnýjun búnaðar íþróttafélaganna. Aðalstjórn viðkomandi íþróttafélags í samráði við íþróttastóð og tómstundafulltrúa og Umhverfis- og framkvæmdasvið skal gera tillögu um stærri viðhaldsframkvæmdir á íþróttamannvirkji og lóð. Viðhald skal skilgreint nánar í rekstrarsamningum á milli íþróttafélags og HF.
5. Fjárveiting í afreksmannasjóð ÍBH vegna ferða- og afreksstyrkja.
6. Árlegt framlag vegna samninga um afrekskóla vegna aðildarfélaga ÍBH.
7. Leigusamninga við aðildarfélög ÍBH.

Íþróttastóð og tómstundanefnd gerir tillögur til bæjarráðs um skiptingu þessa fjár samkvæmt nánari reglum sem því eru settar.

Um öll ofangreind atriði skulu gerðir sérstakir samningar milli samningsaðila.

2. gr.

ÍBH fær til úthlutunar tíma í íþróttahúsnaði/mannvirkjum í eigu eða leigu bæjarfélagsins og öðrum íþróttahúsum/mannvirkjum sem bærinn hefur aðstoðað við að byggja. Tímafjölda til úthlutunar ákveður íþróttastóð og tómstundanefnd hverju sinni, sem ÍBH sér síðan um að skipta á milli aðildarfélaga og skal gæta þess að um jafnraði verði í þeirri úthlutun. Aðilar eru

SLM
SG

sammála um að vinna að góðri nýtingu íþróttamannvirkja í Hafnarfirði og unnið verði sameiginlega að því markmiði að efla íþróttastarfíð í bænum. Einnig eru aðilar sammála um að stefna að því að íþróttastarf barna og unglings hefjist sem fyrst að deginum til þess að tryggja sem best samfelli skóla- og íþróttastarfs og stuðla þannig að fjölskylduvænu umhverfi. Um leigu bæjarins á íþróttamannvirkjum einstakra félaga skal gerður sérstakur leigusamningur milli aðila.

3. gr.

Hafnarfjarðabær mun leiga ÍBH tíma í íþróttamannvirkjum sínum fyrir sem næst sannvirði rekstrarkostnaðar, (stofn- og vaxtakostnaður ekki reiknaður með).

4. gr.

Aðilar þessa samnings skulu veita almenningi aðgang að íþróttahúsum/mannvirkjum og annarri aðstöðu eins og við verður komið. Íþróttabandalag Hafnarfjarðar skal ráðstafa ónýttum úthlutuðum tímum til almenningsíþróttar s.s íþróttaskóla barna, íþróttum eldri félagsmanna, fyrirtækjahópa ofl.

5. gr.

Rísi upp ósættanlegur ágreiningur um úthlutun tíma innan ÍBH getur íþróttu-og tómstundanefnd afturkallað umboð ÍBH til úthlutunar á tímum í einstaka íþróttamannvirki. Íþróttu- og tómstundanefnd úthlutar þá tímunum-

6. gr.

Hlutdeild HF við nýbyggingu íþróttamannvirkis getur orðið allt að 100%, lægri hlutdeild er heimil og skulu aðilar semja um ákveðna hlutdeild áður en bygging íþróttamannvirkis hefst. 100% hlutdeild HF á aðallega við þegar íþróttamannvirki er að mestu ætlað til notkunar við íþróttakennslu og til æfinga barna og unglings. Lægri hlutdeild HF á sérstaklega við varðandi íþróttamannvirki sem sannarlega gefa tekjur á almennum markaði, þegar mannvirkið nýtist lítið til almennrar heilsueflingar, nýtist takmörkuðum hópi auk þess að nýtast börnum og unglungum að takmörkuðu leiti..

Þar sem eignarhald félaga í íþróttamannvirkjum er fyrir hendi skulu aðilar leita samninga um framtíðareignarhald og í þeim tilvikum þar sem skýr eignaskipting íþróttafélags og HF liggr ekki fyrir skulu aðilar koma sér saman um eignaskiptingu og gerð eignaskiptasamnings hið fyrsta frá undirritun samnings þessa.

Ef íþróttafélag óskar eftir að byggja íþróttamannvirki sem falla eiga undir þennan samning, verður að leggja fyrir bæjarstjórn teikningar, kostnaðaráætlun, framkvæmdaráætlun og áætlun um fjármögnun. Samþykki bæjarstjórn hlutdeild í framkvæmdinni skipa íþróttafélag og HF framkvæmdanefnd um verkefnið. Framkvæmdin verði að öðru jöfnu alfarið á vegum HF. Ef íþróttafélag óskar eftir að vera hlutdeildaðili í byggingu íþróttamannvirkis skal íþróttafélag leggja fram og greinagerð um greiðslu á sínum eignahlut. Drög að samningi um rekstur og notkun viðkomandi íþróttamannvirkis skal liggja fyrir við samninga um framkvæmdir og rekstur.

7. gr.

Öll mannvirki sem Hafnarfjarðarbær hefur tekið þátt í að byggja og mun taka þátt í samkvæmt þessum samningi eru óframsejanleg nema samþykki bæjarstjórnar liggi fyrir og andvirði renni til rétthafa í samræmi við framlög þeirra til stofnframkvæmda.

8. gr.

Eftirlitsnefnd með fjármálum íþróttu – og æskulýðsfélaga getur kallað til fulltrúa ÍBH á fundi og hefur aðgang að gögnum um rekstur ÍBH sé þess óskað. Nefndin starfar í umboði bæjarráðs og er ætlað að hafa eftirlit með fjármálum íþróttu- og æskulýðsfélaga, sem fjárstuðnings njóta úr bæjarsjóði.

9. gr.

Óháðu fagráði um ágreiningsmál er ætlað að taka við erindum, ágreinings- og álitamálum frá íþróttu- og tómstundafélögum í Hafnarfirði varðandi mál sem tengjast ofbeldi, þar á meðal kynferðislegu ofbeldi, siðferðilegum álitamálum og eineltismálum. Ráðið veitir félagasamtökum ráð og stuðning varðandi vinnu við slík mál. Ráðið hefur aðgengi að sérfræðingum Hafnarfjarðarbæjar um einstök mál. Einstaklingar geta skotið málum til ráðsins.

Hægt er að leita til ráðsins varðandi:

Skoðun á síðareglum og verklagsferlum

Álitamálum tengdum ofbeldi í félagasamtökum og málum sem ekki tekst að leysa innan félagsins

Einstaklingsmál þar sem aðilar máls eru ekki sammála um málsmeðferð

Og öðrum álíka ágreiningsmálum

Ráðið skal síðan veita umsögn eða ráðgjöf skriflega til aðila sem senda inn mál.

Ráðið skal funda þegar mál berast því og hittast eigi sjaldnar en einu sinni á önn.

10. gr.

Íþróttu- og tómstundaneftnd og íþróttafulltrúi skulu fylgjast með því að samningum sé framfylgt og íþróttamannvirkin séu rekin samkvæmt gildandi lögum og reglugerðum þar að lútandi. Verði talið að ákvæði samnings þessa hafi verið brotin, skal gera viðeigandi ráðstafanir til úrbóta. Áður skal stjórn viðkomandi félags vera aðvöruð með bréfi. Beri það ekki árangur getur Hafnarfjarðarbær og/eða sá aðili sem brotið er á, sagt upp samningnum án frekari fyrirvara.

Verði verulegar vanefndir af hálfu Hafnarfjarðarbæjar, getur stjórn ÍBH sagt samningnum upp.

11. gr.

Samningur þessi gildir ótímabundið. Hvor samningsaðili getur sagt samningunum upp með 6 mánaða fyrirvara miðað við áramót. Endurskoðun samningsins skal fara fram á fimm ára fresti.

12. gr.

Samningur þessi er gerður í tveimur samhljóða eintökum og heldur hver samningsaðili sínu eintaki. Til staðfestingar undirrita sammingsaðilar samning þennan í viðurvist tveggja vitundarvotta.

Hafnarfirði,

15. janúar 2019

F.h. Hafnarfjarðarbæjar



F.h. Íþróttabandalags Hafnarfjarðar

A handwritten signature in blue ink, appearing to read "Hallgrímur".

Vottar að rétri dagsetningu
fjárræði og undirskrift aðila:

A handwritten signature in blue ink, appearing to read "Kristján".

A handwritten signature in blue ink, appearing to read "Þóra Ólafsdóttir".